

封神傳

名著神怪小說



封神目錄

卷一

第一回	紂王女媧宮進香
第二回	冀州侯蘇護反商
第三回	姬昌解圍進妲己
第四回	恩州驛狐狸死妲己
第五回	雲中子進劍除妖
第六回	紂王無道造炮烙
第七回	費仲計廢姜皇后
第八回	方弼方相反朝歌
第九回	商容九間殿死節
第十回	姬伯燕山收雷震
第十一回	姜里城囚西伯侯
第十二回	陳塘關哪吒出世
第十三回	太乙真人收石磯
第十四回	哪吒現蓮花化身

第十五回

崑崙山子牙下山

第十六回

子牙火燒琵琶精

第十七回

蘇妲己置造臺盆

第十八回

子牙諫主隱磻溪

第十九回

伯邑考進貢贖罪

第二十回

散宜生私通費尤

第二十一回

文王誇官逃五關

第二十二回

西伯侯文王吐子

第二十三回

文王夜夢飛熊兆

第二十四回

渭水文王聘子牙

第二十五回

蘇妲己請妖赴宴

卷二

第二十六回

妲己設計害比干

第二十七回

太師回兵陳十策

第二十八回

西伯侯伐崇侯虎

第二十九回

斬侯虎文王托孤

第三十回

周紀激反武成王

- 第三十一回 聞太師驅兵追襲
黃天化潼關會父
第三十二回 黃飛虎泗水大戰
飛虎歸周見子牙
第三十三回 晁田兵探西岐事
張桂芳奉詔西征
第三十四回 姜子牙一卜崑崙
四聖西岐會子牙
第三十五回 姜子牙冰凍岐山
四天王遇丙靈公
第三十六回 聞太師兵伐西岐
黃花山收鄧辛張陶
第三十七回 聞太師西岐大戰
子牙魂遊崑崙山
第三十八回 燃燈議破十絕陣
廣成子破金光陣
第三十九回 公明輔佐聞太師
陸壓獻計射公明
第四十回
第四十一回
第四十二回
第四十三回
第四十四回
第四十五回
第四十六回
第四十七回
第四十八回

第四十九回
第五十回

武王失陷紅沙陣
三姑計擺黃河陣

卷三

第五十一回
第五十二回
第五十三回
第五十四回
第五十五回
第五十六回
第五十七回
第五十八回
第五十九回
第六十回
第六十一回
第六十二回
第六十三回
第六十四回

子牙刳營破聞仲
絕龍嶺聞仲歸天
鄧九公奉敕西征
土行孫立功顯耀
土行孫歸服西岐
子牙設計收九公
冀州侯蘇護伐西岐
子牙西岐逢呂岳
殷洪下山收四將
馬元下山助殷洪
太極圖殷洪絕命
張山李錦伐西岐
申公豹說反殷郊
羅宣火焚西岐城

第六十五回

殷郊岐山受犁鋤

第六十六回

洪錦西岐城大戰

第六十七回

姜子牙金臺拜將

第六十八回

首陽山夷齊阻兵

第六十九回

孔宣兵阻金雞嶺

第七十回

準提道人收孔宣

第七十一回

姜子牙三路分兵

第七十二回

廣成子三謁碧遊宮

第七十三回

青龍關飛虎折兵

第七十四回

哼哈二將顯神引

第七十五回

土行孫盜騎陷身

四

第七十六回

鄭倫提將取汜水

第七十七回

老子一炁化三清

第七十八回

三教會破誅仙陣

第七十九回

穿雲關四將被擒

第八十回

楊任大破瘟癘陣

第八十一回

子牙潼關遇痘神

第八十二回

三教大會萬仙陣

第八十三回

三教收伏獅象吼

第八十四回

子牙兵取臨潼關

第八十五回

鄭芮二侯歸周主

第八十六回

渰池縣五岳歸天

第八十七回

土行孫夫妻陣亡

第八十八回

武王白魚躍龍舟

第八十九回

紂王敲骨剖孕婦

第九十回

子牙捉神荼鬱壘

第九十一回

蟠龍嶺燒邸文化

第九十二回

楊戩哪吒收七怪

第九十三回

金吒智取遊魂關

第九十四回

文煥怒斬殷破敗

第九十五回

子牙暴紂王十罪

第九十六回

子牙發東擒妲己

第九十七回

摘星樓紂王自焚

第九十八回

周武王鹿臺散財

第九十九回
第一百回

姜子牙歸國封神
周天子分封列國

封神

第一回 紂王女媧宮進香

混沌初分盤古先，太極兩儀四象懸；
燧人取火免鮮食，伏羲畫卦陰陽前；
少昊五帝民物阜，禹王治水洪波蠲；
日縱妹喜荒酒色，成湯造亳洗腥羶；
三十一世傳殷紂，商家脈絡如斷弦；
穢污宮闈寵妲妃，蜚盆炮烙忠貞冤；
直諫剖心盡焚炙，孕婦剝剔朝涉殲；
郊社不修宗廟廢，奇技淫巧盡心研；
西伯朝商囚羑里，微子抱器走風煙；
天下荒荒萬民怨，子牙出世人中仙；
共車載歸輔朝政，三分有二日相沿；
孟津大會八百國，取彼凶殘伐罪愆；
若崩厥角齊稽首，血流漂杵脂如泉；
牧馬華山示偃武，開我周家八百年；
子天丑地人寅出，神農治世嘗百草；
承平享國至四百，放桀南巢拯暴虐；
索亂朝綱絕倫紀，鹿臺聚斂萬姓苦；
崇信姦回棄朝政，昵比罪人乃罔畏；
皇天震怒降災毒，終日垂絲釣人主；
文考未集大勳沒，甲子昧爽會牧野；
戎衣甫著天下定，太白旗懸獨夫首；
避除獸患有巢囿，軒轅禮樂婚姻聯；
桀王無道乾坤顛，雲霓如願後蘇全；
殺妻誅子信讒言，愁聲怨氣應障天；
屏逐師保性何偏，沉酗肆虐如鷗鳶；
若涉大海無邊淵，飛熊入夢獵岐田；
武王善述日乾乾，前途倒戈反回旌；
更于成湯增光妍，戰亡將士幽魂潛。

天挺人賢號尙父，封神壇上列花箋；大小英靈尊位次，商周演義古今傳。

成湯乃黃帝之後也，姓子氏。初帝嘗次妃簡狄，祈於高禰有元鳥之祥，遂生契。契事唐虞爲司徒，教民有功，封於商。傳十三世，生太乙，是爲成湯。聞伊尹耕於有莘之野，而樂堯舜之道，是個大賢。卽時以幣帛三遣使往聘之，而不敢用。進之於天子，桀王無道，信讒逐賢，而不能用，復歸之於湯。後桀王日事荒淫，殺直臣關龍逢，衆庶莫不怨。言湯使人哭之，桀王怒，囚湯於夏台。後湯得釋而歸國，出郊見人張網四面，而視之曰：「從天墜者，從地出者，從四方來者，皆罹吾網。」湯解其三面，止置一面，更祝曰：「欲左者左，欲右者右，欲高者高，欲下者下，不用命者，乃入吾網。」漢南聞之曰：「湯德至矣！」歸之者四十餘國。

桀惡日暴，民不聊生。伊尹乃相湯伐桀，放桀於南巢。諸侯大會湯，退而就諸侯之位。諸侯推湯爲天子，於是湯始卽位，都於亳。元年，乙未，湯在位，除桀虐政，順民所喜，遠近歸之。因桀無道，大旱七年，成湯祈禱於桑林，天降大雨，又以莊山之金鑄幣，救民之命。作樂大濩——濩，護也。言湯寬仁大德，能救護生民也。——在位十三年而崩，壽百歲，享國六百四十年，傳至商受而止。

成湯	太甲	沃丁	太庚	小甲	雍己	太戊	仲丁	外壬	河亶甲	祖乙
祖辛	沃甲	祖丁	南庚	陽甲	盤庚	小辛	小乙	武丁	祖庚	祖甲
廩辛	庚丁	武乙	太丁	帝乙	受辛					

紂王乃帝乙之三子也。帝乙生三子，長曰微子，啓次曰微子衍，三曰壽王。因帝乙遊於囿，領衆文武玩賞牡丹，因飛雲閣塌了一梁，壽王託梁換柱，力大無比。因首相商容，上大夫梅伯、趙啓等，上本立東宮，乃立季子壽王爲太子。後帝乙在位三十年而崩，託孤與太師聞仲。隨立壽王爲天子，名曰紂王。都朝歌。文有太師聞仲，武有鎮國武成王黃飛虎，文足以安邦，武足以定國。中宮——配皇后姜氏，西宮妃王氏，馨慶宮妃楊氏，三宮后妃皆德。

性貞靜，柔和賢淑，紂王坐享太平，萬民樂業，風調雨順，國泰民安，四夷拱手，八方賓服，八百蠻諸侯盡朝於商，有
四路大諸侯，率領八百小諸侯，東伯侯姜桓楚，居於東魯，南伯侯鄂崇禹，西伯侯姬昌，北伯侯崇侯虎，每一蠻諸
侯，領二百蠻小諸侯，共八百蠻諸侯，屬商紂王七年春二月，忽報到朝歌，反了北海七十二路諸侯，袁福通等……
：太師聞冲奉勅，征北不提。

一日，紂王早朝登殿，設聚文武，但見：

瑞靄紛紛，金鑾殿上坐君王，祥光繚繞，白玉階前列文武。沉檀鑿鑿噴金爐，則見那珠簾高捲，闌麝氤氳籠
寶扇，且看他雉尾低回。

天子問當駕官：「有奏章出班，無事朝散……」言未畢，只見右班中一人出班，俯伏金階，高聲牙笏，山呼
稱臣：「臣商容待罪宰相，執掌朝綱，有事不敢不奏，明日乃三月十五日，女媧娘娘聖誕之辰，請陛下駕臨女媧
宮降香。」王曰：「女媧有何功德，朕輕萬乘而往降香？」商容奏曰：「女媧娘娘乃上古神女，生有聖德，那時共
工氏頭觸不周山，天傾西北，地陷東南，女媧乃採五色石煉之以補青天，故有功於百姓，黎庶立禮祀以報之，今
朝歌祀此福神，則四時康泰，國祚綿長，風調雨順，災害潛消，此福國庇民之正神，陛下當往行香。」王曰：「准卿
奏章。」紂王還宮，旨意傳出。

次日，天子乘輦，隨帶兩班文武，往女媧宮進香。——此一回，紂王不來還好，只因進香，惹得四海荒荒，生民
失業。正所謂：「漫江撒下釣和線，從此釣出是非來。」怎見得有詩爲證：

天子駕輿出鳳城，旌旄瑞色映簪纓，龍光劍吐風雲色，赤羽幢搖日月精。
堤柳曉分仙掌露，溪花光耀翠裘清，欲知巡幸瞻天表，萬國衣冠拜聖明。
駕出朝歌南門，家家焚香設火，戶戶結綵鋪氈，三千鐵騎，八百御林，武成王黃飛虎保駕滿朝文武隨行，朝

至女媧宮，天子離轡上殿焚香爐中，文武隨班拜賀畢。紂王觀看殿中華麗，怎見得？

殿前華麗，五彩金妝，金童對對執幡幢，玉女雙雙捧如意。玉鉤斜掛，半輪新月懸空；寶帳婆娑，萬對彩鸞朝斗。碧落牀邊，俱是舞鶴翔鸞；沉香寶座，造就走龍飛鳳。飄飄奇彩異尋常，金爐瑞靄；裊裊禎祥騰紫霧，銀燭輝煌。君王正看行宮景，一陣狂風透膽寒。

紂王正看此宮殿宇齊整，樓閣豐隆，忽然一陣狂風，捲起帳幔，現出女媧聖像，容貌端麗，瑞彩翩翻，國色天姿，宛然如生。真是慈宮仙子，臨凡月殿嫦娥，下世古語云：「國之將興，必有禎祥；國之將亡，必有妖孽。」紂王一見神魂飄蕩，陡起淫心，自思朕貴爲天子，富有四海，縱有六院三宮，并無有此豔色。遂命取文房四寶，待駕官忙取將來，獻與紂王。天子深潤紫毫，在行宮粉壁之上，作詩一首：

鳳鸞寶帳景非常，盡是泥金巧樣妝。

曲曲遠山飛翠色，

翩翩舞袖映霞裳。

梨花帶雨爭嬌豔，

芍藥籠烟聘媚妝。

但得妖嬈能舉動，

取回長樂侍君王。

天子作畢，只見首相商容啓奏曰：「女媧乃上古之正神，朝歌之福主；老臣請駕拈香，祈福求德，萬民樂業，風調雨順，兵火甯息。今陛下作詩，褻瀆聖明，毫無虔敬之誠，是獲罪於神聖，非天子之巡幸祈請之禮。願主公以水洗之。恐天下百姓觀見，傳言聖主無德政耳。」王曰：「朕看女媧之容，有絕世靈容，因作詩以讚美之。豈有他意，卿毋多言。」况孤乃萬乘之尊，留與萬姓觀之，可見娘娘美貌絕世，亦見孤之遺筆耳。」言罷，回朝文武百官，默默點首，莫敢誰何，俱鉗口而回。有詩爲證：

鳳鸞龍車出帝京，

拈香釐祝女中英。

只知祈福黎民樂，

孰料吟詩萬姓驚？

目下狐狸爲太尉，

眼前豺虎盡齋纓。

上天垂象皆如此，

徒令英雄歎不平。

天子駕回，陞龍德殿，百官朝賀而散。時逢望辰，三宮妃后朝君，中宮姜后，西宮黃妃，馨慶宮楊妃，朝畢而退。

按下不表。

且言女媧娘娘降誕三月十五日，往火雲宮朝賀伏羲炎帝軒轅三聖而回，下得青鸞，坐於寶殿，玉女金童朝禮畢，娘娘抬頭看見粉壁上詩句，大怒罵曰：「般受無道昏君，不想修身立德，以保天下，今反不畏上天，吟詩襲我，甚是可惡！我想成湯伐桀，而王天下，享國六百餘年，氣數已盡，若不與他個報應，不見我的靈威。」卽喚碧霞童子，駕青鸞往朝歌一回不提。

却說二位殿下殷郊殷洪，來參謁父王，——那殷郊後來是封神榜上值年太歲，殷洪是五穀神，皆有名神將——正行禮間，頂上兩道紅光冲天，娘娘正行時，被此氣擋住雲路，因望下一看，知紂王尚有二十八年的氣運，不可造次暫回行宮，心中不悅，喚彩雲童子，把後宮中金葫蘆取來，放在丹墀之下，揭去葫蘆蓋，用手一指，葫蘆中有一道白光，其大如椽，高四五丈有餘，白光之上，懸出一道旛來，光分五彩，瑞映千條，名曰「招妖旛」。不一時，悲風颯颯，慘霧迷迷，陰雲四合，風過數陣，天下羣妖俱到行宮聽候法旨。娘娘吩咐彩雲：「著各處妖魔且退，只留軒轅墳中三妖伺候。」三妖進宮參謁，口稱：「娘娘聖壽無疆。」這三妖一個是千年狐狸精，一個是九頭雉雞精，一個是玉石琵琶精，俯伏丹墀。娘娘曰：「三妖聽吾密旨，成湯氣運黯然，當失天下，鳳鳴岐山，西周已生聖主，天意已定，氣數使然。你三妖可隱其妖形，託身宮院，惑亂君心，俟武王伐紂以助成功，不可殘害衆生。事成之後，使你等亦成正果。」娘娘分付已畢，三妖叩頭謝恩，化清風而去。止是「狐狸聽旨施妖術，斷送成湯六百年。」有詩爲證：

三月中旬駕進香，

吟詩一首起飛殃；

只知把筆施才學，

不曉今番社稷亡。

按下女媧娘娘分付三妖不題，且言紂王只因進香之後，看見女媧美貌，朝暮思想，寒暑盡忘，寢食俱廢，每見六院三宮，真如塵飯土羹，不堪諦視。終朝將此事不放心懷鬱鬱不樂，一日駕臨顯慶殿時，有常隨在側，紂王

忽然猛省，著奉御宣中諫大夫費仲——乃紂王之倖臣，近因聞太師奉勅平北海，大兵遠征，戍外立功，因此上就寵費仲、尤渾二人——此二人朝朝疊疊，聖聰諭言獻媚，紂王無有不從。大抵天下將危，佞臣當道，不一時費仲朝見王曰：「朕因女媧宮進香，偶見其容顏豔麗，絕世無雙，三宮六院，無當朕意。將如之何？卿有何策，慰朕懷？」費仲對曰：「陛下乃萬乘之尊，富有四海，德配堯舜，天下之所有，皆陛下之所有。何患不得？這有何難？陛下明日傳一旨，頒行四路諸侯，每一鎮選美女百名，以充王庭，何憂天下絕色不入王選乎？」紂王大悅：「卿所奏甚合朕意，明日早朝發旨，卿且暫回。」隨即命駕還宮。

畢竟不知此後何如，且聽下回分解。

第二回 冀州侯蘇護反商

丞相金鸞直諫君，忠肝義膽孰能羣？早知侯伯來朝覲，空費傾葵紙上文。

話說紂王聽奏大喜，即時還宮，一宵經過，次日早晨，聚兩班文武朝賀，紂王便問當駕官：「即傳朕旨意，頒行四鎮諸侯，與朕每一鎮地方，揀選良家美女百名，不論富貴貧賤，只以容貌端莊，性情和婉，禮度閒淑，舉止大方，以充後宮役使……」天子傳旨未畢，只見左班中一人應聲出奏，俯伏言曰：「老臣商容，啓奏陛下：君有道則萬民樂業，不令而從；況陛下後宮美女，不啻千人，嬪御而上，又有后妃，今嬖空欲選美女，恐失民望。臣聞「樂民之樂者，民亦樂其樂；憂民之憂者，民亦憂其憂。」此時水旱頻仍，乃事女色，實為陛下不取也。故堯舜與民偕樂，以仁德化天下，不事干戈，不行殺伐，景星耀天，甘露下降，鳳凰止于庭，芝草生于野，民豐物阜，行人讓路，犬無吠聲，夜雨晝晴，稻生雙穗，此乃有道興隆之象也。今陛下若近時之樂，則目眩邪色，耳聽淫聲，沉湎酒色，遊于苑囿，獵于山林，此乃無道敗亡之象也。老臣待罪首相，位副冢，侍君三世，不得不啓陛下，臣願陛下進

賢退不肖，修其德，愛其民，惜其財，費重其政令，雖窮不遇如是，必區區選侍，然後爲樂，誠臣愚不識忌諱，望祈容納。」紂王沉思良久，「卿言甚善，朕卽免行。」言罷，羣臣退朝，聖駕還宮不提。

不意紂王八年夏四月，天下四大諸侯，率領八百鎮朝覲於商——那四鎮諸侯，乃東伯侯姜桓楚，南伯侯鄂崇禹，西伯侯姬昌，北伯侯崇侯虎——天下諸侯，俱進朝歌。此時太師聞仲不在都城，紂王寵用費仲、尤渾，各諸侯俱知二人把持朝政，擅權作威，少不得先以禮賄之，以結其心。正所謂「未去朝天子，先來謁相公。」內中有位諸侯，乃冀州侯姓蘇，名護，此人生得性如烈火，剛方正直，那裏知道奔競夤緣。平昔見稍有不法之事，便執法處分，不少假借，故此與二人俱未曾送有禮物，也是合當有事。那日二人查天下諸侯，俱送有禮物，獨蘇護並無禮單，心中大怒，懷恨於心，不提。

其日元旦吉辰，天子早朝，設聚兩班文武，衆官拜賀畢，黃門官啓奏：「陛下，今年乃朝賀之年，天下諸侯，皆在午門外朝賀，聽候聖旨發落。」紂王問首相商容，容曰：「陛下止可宜四鎮首領臣面君，探問民風土俗，淳龐澆競，國治邦安，其餘諸侯，俱在午門外朝賀。」天子聞言大悅：「卿言極善。」命黃門官傳旨：「宜四鎮諸侯見駕，其餘午門朝賀。」

話說四鎮諸侯，整齊朝服，輕搖玉珮，進午門行過九龍橋，至丹墀，山呼朝拜畢，俯伏。王慰勞曰：「卿等與朕宜猷贊化，撫綏黎庶，鎮攝荒服，威遠甯邇，多有勤勞，皆卿等之功耳。朕心喜悅。」東伯侯奏曰：「臣等荷蒙聖恩，官居總鎮，臣等自叨執掌，日夜兢兢，常恐不克負荷，有辜聖心。縱有犬馬微勞，不過臣子分內事，尚不足報涓涯於萬一耳！又何勞聖心垂念？臣等不勝感激！」天子龍顏大喜，命首相商容，亞相比干，於顯慶殿治宴相待。四臣叩頭謝恩，離丹墀前至顯慶殿，相序筵宴不提。

天子退朝，至便殿，宣費仲、尤渾二人問曰：「前卿奏朕，欲令天下四鎮大諸侯進美女，朕欲頒旨，又被商容

諫止，今四鎮諸侯在此，明早召入，當面頒行。俟四人轉國，以便揀選進獻，且免僨臣往返，二卿意下如何？費仲俯伏奏曰：「首相諫止，探選美女，陛下當日容納，即行停止，此美德也。臣下共知衆庶共知，天下景仰。今一旦復行，是陛下不足以取信於臣民，竊爲不可。臣近訪得冀州侯蘇護有一女，豔色天姿，幽閒貞靜，若選進宮，幃侍左右，堪任役使。况選一人之女，又不驚擾天下百姓，自不勳人耳目。」

紂王聽言，不覺大悅：「卿言極善。」即命隨侍官傳旨，宣蘇護使命來王館驛，傳旨：「宣冀州侯蘇護，商議國政。」蘇護即隨使命至龍德殿朝見。禮畢，俯伏聽命。王曰：「朕聞卿有一女，德性幽閒，舉止中度，朕欲選侍後宮，卿爲國戚，食其天祿，受其顯位，永鎮冀州，坐享安康，名揚四海，天下莫不欣羨。卿意下如何？」蘇護聽言，正色而奏曰：「陛下宮中，上有后妃，下至嬪御，不啻數千，妖冶嫵媚，何不足以悅王之耳目？乃聽左右諂諛之言，陷陛下於不義。——况臣女蒲柳陋質，素不諳禮度，德容俱無，足取乞陛下留心邦本，速斬此進讒言之小人，使天下後世知陛下正心修身，納言聽諫，非好色之君，豈不美哉？」紂王大笑曰：「卿言甚不諳大體，自古及今，誰不願女作門楣？况女爲后妃，貴敵天下，卿爲皇親國戚，赫奕顯榮，孰過於此？卿毋惑迷，當自裁審。」蘇護聞言，不覺厲聲言曰：「臣聞人言：『修德勤政，則萬民悅服，四海景從，天祿永終。』昔日有夏失政，淫荒酒色，惟我祖宗不邇聲色，不殖質財，德懋懋官，功懋懋賞，克寬克仁，方能割正有夏，彰信兆民，邦乃其昌，永保天命。今陛下不取法祖宗，而效彼夏王，是取敗之道也。——况人君愛色，必顛覆社稷，卿大夫愛色，必絕滅宗廟，士庶人愛色，必戕賊其身，且君爲臣之表率，君不向道，臣下將化之，而朋比作奸，天下事尙忍言哉？臣恐商家六百餘年基業，必自陛下紊亂之矣。」紂王聽蘇護之言，勃然大怒曰：「君命召，不俟駕。」君賜死，不敢違。况選汝一女爲后妃乎？敢以讒言忤旨，面責朕躬，以亡國之君匹朕，大不敬，孰過於此？著隨侍官拿出午門，送法司勘問正法。」左右隨將蘇護拿下，轉出費仲、尤渾二人，上殿俯伏奏曰：「蘇護忤旨，本該勘問，但陛下因選侍其女，以致得罪，使天下

聞之道陛下輕賢重色，阻塞言路，不若赦之歸國，彼威皇上不殺之恩，自然將此女進貢宮闈，以侍皇上，庶百姓知陛下寬仁大度，納諫容流，而保護有功之臣，是一舉兩得之意，願陛下准臣施行。」紂王聞言，天顏少霽，依卿所奏，即降敕令彼還國，不得久羈朝歌。」

話說聖旨一下，迅如烽火，即催逼蘇護出城，不容停止。那蘇護辭朝回至驛亭，衆家將接見，慰問。聖上召將軍進朝，有何商議？蘇護大怒罵曰：「無道昏君！不思量祖宗德業，聽信讒臣諂媚之言，欲選吾女進宮爲妃，此必是費仲尤渾以酒色迷惑君心，欲專朝政。我聽旨不覺直言諫諍，昏君道我忤旨，拿送法司；二賊子又奏昏君赦我歸國，諒我感昏君不殺之恩，必將我女送進朝歌，以遂二賊奸計。我想周太師遠征，二賊弄權，眼見昏君必荒淫酒色，紊亂朝政，天下荒荒，黎民倒懸，可憐成湯社稷，化爲烏有，我自思若不將此女進貢，昏君必與問罪之師，若要送此女進宮，以後昏君失德，使天下人恥笑我不智，諸將必有良策教我。」衆將聞言，齊曰：「吾聞君不正，則臣投外國；今主上輕賢重色，眼見昏亂，不若反出朝歌，自守一國，上可以保宗社，下可以保身家。」此時蘇護正在盛怒之下，一聞此言，不覺性起，竟不思維，便曰：「大丈夫不可做不明白事！」叫左右：「取文房四寶來，題詩在午門牆上，以表我永不朝商之意。」詩曰：

『君壞臣綱，

有敗五常，

冀州蘇護，

永不朝商！

蘇護題了詩，領家將逕出朝歌，奔本國而去。

且言紂王見蘇護當面折諍一番，不能遂願，雖准費尤二人所奏，「不知彼可能將女進貢深宮，以遂朕于飛之樂。」正躊躇不悅，只見得午門內臣俯伏奏曰：「臣在午門，見牆上冀州蘇護題有反詩十六字，不敢隱匿，伏乞聖裁。」隨侍接詩鋪在御案上。紂王一見，大驚：「賊子如此無禮！朕體上天好生之德，不殺鼠賊，敕令歸國，彼反寫詩午門，大辱朝廷，罪在不赦！」即命宣殷破敗、晁田、魯雄……等統領六師：「朕須親征，必滅其國！」當